

雪

門

詩

草

蒿目集敘

蒿目時艱之見豈必叔季時爲然乎卽明盛時亦有之  
當堯之時洪水懷襄龍蛇鳥獸偪人君臣黷黑胼胝一  
堂吁咈此中天之蒿目也武王之時飛廉惡來虎豹犀  
象人物交害繼又殷頑蠢動遺大投艱周召篤棐乃弗  
克迷此成周之蒿目也大抵宇宙氣機無久治而不變  
之理非必有失德也 朝廷以休養爲心深仁厚澤疊  
沛臣庶臣庶被之狃習爲常上不知感戴下不知自警  
於是驕怠生而苞蘖萌天遂欲以剝而後復損而後益

者警天下之心思耳目而剗天下之積玩以使之更新  
乃於其時生搆亂者數人釀亂者數人又特生戡亂者  
數人分散於朝野上下名山大澤中若無意置之又若  
有意參之錯之使之相背相際相克以成治而變變而  
復治之局其間嚴凝肅殺之氣適所以貞固國家之基  
而綿其祚焉亶然矣 本朝控馭臣下制越千古搆亂  
者無亂臣而皆亂民至因循釀亂則諸當軸疆吏及諸  
將帥不能辭咎而吏科之糾繩迂儒之拘守華士之簪  
鼓又適足以助益之可歎也 錄 以末吏羈海隅無戡亂

才無戡亂柄并幸無釀亂權而此身此家適值變際目  
擊亂之由釀心已惛惛至覆轍相尋蹈釀而加釀者又  
若不遺餘力焉遂使四海羣生同與大變卽抱戡亂之  
才者間亦灰身殉難敗壞幾不可言矣仰賴 皇極光  
明蒼天眷佑日月重新十餘年劇寇卒削平之然蹂躪  
十六省淪陷六百餘城昔之名都勝區悉成瓦礫文章  
典籍盡付灰煙糲糲赤子或以擄掠死以鋒刃死以饑  
病死萬里荒涼黃蒿白骨相枕靡<sub>靡</sub>之良朋密友半遭  
大劫卽此身此家亦幾幾不免五夜思之不能鬱而無

所發此蒿目集之所由作也顧天下當明盛時則潤色  
鴻猷之碩彥以文章昭景運不幸遇變時則悲歌之士  
以牢騷抒素抱二者之詩不相謀亦格不相入惟生際  
中興者閱繁華而忽逢凋敝則寄懷疇昔由凋敝而忽  
見承平則追溯前艱憂樂不妨互寫美刺不妨并商言  
者無罪聞者足戒俾得傳一時艱難之景況以播於人  
世之耳目而其人往往不在山林而在縉紳中蓋見聞  
既確而傳述乃真切也此次粵寇出犯吾楚先受其荼  
毒知釀亂之由者楚人最悉而今之戡亂者楚人又最

盛說者謂瑞氣纏長沙故長沙累危而得全軫與角連  
將星亦出長沙故言事者有天下不可一日無湖南之  
奏而不知究其所謂將者文將耶武將耶若以武論則  
南人寬柔萬不能勝於西北惟其於天下之事有纏綿  
難已之思抑鬱必發之志堅忍不搖之守安於險阻耐  
於煩劇淡於世故不以小得失擾其前後不隨流俗  
之是非爲轉移而後於世變之糾紛有以靜持之而徐  
圖之恭逢 聖君在上又不忍急切責其効此粵賊之  
以堅忍構禍而禍成吾楚諸老成卽以堅忍戡亂而亂

亦卒戡之由也此溫柔敦厚之旨也瑤之作蒿目集也亦體此意以始終之嘗念生平作詩不敢期驟成亦不敢有間志或孤館寂寥夜闌更靜或扁舟水際謝絕人事於是俯仰旁思取此身此世人情物態之變而曲爲思之繪之如是者已廿年矣未審今之戡亂者人旣喧傳吾楚將來之論遭變詩持論平允而真切者果屬何人也

同治五年歲在丙寅季春之月道銜浙江嘉興府知府善化許瑤光敘

雪門詩草卷三

蒿目集

善化許瑤光雪門甫著

癸丑年

輕紈詠

輕紈浮碧光耀人。重紈含采穩稱身。世俗愛薄不愛厚。  
金梭粟尺無精神。輪囷扶桑蠶大繭。入盆縲作纖纖綸。  
重花密葉究何有。渲紅染碧嬌青春。吳王宮中舊白紵。  
此曲今人棄如土。織素不如織縑人。請問薜蘿山下女。  
軋軋鳴機濯錦坊。夜深明月照流黃。千金爲輕五銖重。



翻黃轉綠紛無常。吁嗟乎人間巧樣新花鬪。天孫空織雲錦裳。

野田黃雀行

野田黃雀飛且鳴。褐翎蠟喙銜香秔。香秔既飽汝還啄。青青黍不見。玉銜環坐待黃花哺。蓬蒿小鳥何足嗔。請君休費明珠珍。巢堂穿屋任所欲。大厦千間容雜賓。

蒼鷹詠

鵲巢擇疏木。鴉棲投密林。蒼鷹爾何意。瀟灑萬里臨。霄漢縱顧盼。一呼衆鳥噤。非無忍饑日。不生爭啄心。願借

晨風翼追之碧雲深

擬古

琉璃一觸碎。賦質爲剛烈。奈何紈綺柔。著手亦中裂。全  
毀有天心。成敗無定說。失地蘭見鉏。得地茅包潔。人生  
有遇合。無失本來拙。

奉詔求賢材。慨然起難色。良相兼良將。千古不一得。蒼  
鷹豈解舞。白鶴甯知擊。位置失生平。前勲都敗績。用人  
良有宜。用世請自擇。莫將軒鑑材。錯任干將職。

朝登衡嶽望。遙見綵雲生。金碧起樓閣。糾縵難爲名。不

近太陽色焉能闕光。晶羣材蒙帝力。神化丹青成彪炳。  
照寰宇。竹帛垂芳聲。感此懷帝子。騎龍還玉京。  
煜煜紫霄星。明暗色不齊。赫赫中朝彥。黑白無端倪。含  
香搢象笏。五夜聽鳴雞。誰人陳利弊。流涕玉階墀。狂直  
賈時忌。完膚生瘡痍。縱博主恩宥。終遭同類擠。王嬙被  
遣嫁。嫫母居深閨。壅蔽成媒藥。心傷白日低。  
夜蛾向明飛。那知是膏火。佳人生憐心。吹鐙月中坐。隣  
院炳銀燭。趨投竟罹禍。熱中出本性。奔競喪真我。千秋  
名利場。幾人脫繯鎖。

滄○浪○水○清○濁○童○子○無○心○歌○隨○風○入○聖○耳○觸○撥○天○機○多○淺○  
語○含○深○警○近○思○成○琢○磨○達○人○無○滯○慮○明○鏡○萬○象○羅○冥○冥○  
察○飛○鳥○悠○悠○悟○逝○波○愚○者○昧○物○象○經○史○空○編○摩○

鷓○鴒○翔○青○冥○羅○者○視○數○澤○杏○壇○脫○冕○行○人○疑○肉○食○客○赤○  
舄○負○展○心○流○言○遍○東○國○道○高○疑○轉○多○詣○孤○俗○難○測○悠○悠○  
千○古○情○仰○視○浮○雲○白○

天○地○生○殺○氣○蕭○瑟○中○原○土○都○會○變○沙○場○白○骨○連○吳○楚○千○  
戈○起○機○械○劫○火○燒○歌○舞○彼○蒼○固○無○情○人○心○先○失○古○轉○怪○  
義○皇○興○多○事○造○網○罟○

秦皇鑄金人。胡不封鐵山。開鑿無已日。嶽脈坐傷殘。況此石中火。延燒遍塵寰。西疏發金色。南硝逞銀顏。后土果何意。物產生波瀾。元黃血戰腥。占坤淚不乾。浮世如浮雲。變幻無舊態。初看樓閣生。轉盼浪花碎。惟有雲中天。萬古青笠戴。照我以白日。使我明向背。蒼蒼彼路長。耿耿余心對。兩馬共搖鞭。一馬忽在前。兩帆乘風走。一帆遙落後。早達與晚榮。天心究何有。甘羅耀青春。梁顥登白首。遇合會有時。陶然飲吾酒。

人生逐榮華。逐逐成頭白。蜂蟻逐春花。逐逐春如客。不  
妨暫留連。何事相追迫。閒雲近旭日。自爾生奇色。奔雲  
空自忙。靜觀情脈脈。

擬古行路難

黃塵吹入金。叵羅欲醉未。醉愁緒多。老蟾臨江向江泣。  
似避江中生。蛟鼉君不見。東江白浪如山高。連年拒我  
乘風舫。西江橫石森戈戟。懸絕堅鑿不受篙。水石猶可  
渡。人心突波濤。干戈生阻隔。蛇虺煽腥臊。歸來長歎熱  
車轍。茅屋吹墮松枝雪。買酒鋤梅度歲闌。請君休歌行。

路難

健兒篇

黃桑弓射綠蓬矢。不作健兒真愧死。健兒鼻息長虹嘘。  
健兒筋骨青銅似。望屋微知金字形。運刀莫灑黃回水。  
昔年落拓失鄉譽。昨來姓氏聞天子。孔翠飄飄玉玦明。  
征南未已還東征。桂海蠙珠滿囊貯。旁觀切切私語驚。  
時危文士功名艱。欲碎鐵硯雕銀鞍。腰酸足繭據不穩。  
歸來仰屋空長歎。

豎儒嘲

泰山膚雲布霖雨。石磴崎嶇盤馬苦。黃河落天潤九州。  
泥沙渾泡無清秋。大賢砥柱卽巖岸。焉能鳧波隨聚散。  
暨儒蚋喙微隙攢。終日傷人肌無完。安得漢帝溺其冠。

感諷

天馬不受金絡頭。神鷹不入綠錦鞵。古來權變飛騰者。  
往往難向尋常求。雕章琢句果何益。舍此清時莫名弋。  
消磨豪杰遂成拘。鱗集鴈至紛迂儒。迂儒已迂休徘徊。  
我所思兮鈞天臺。瓊花珍卉入貢獻。尺寸俱非松柏材。  
君不見今日碩彥識今古。跨馬春明期鳳舉。玉疵珠類



抱微瑕請君還去歸蓬戶

烏鵲怨

粵事失算長沙被圍別簡大臣而所謂大臣者  
擁兵湘潭經湘紳促請終不肯來逮賊下陷岳  
州乃進屯益陽遷延之咎懼無所歸特參益陽  
令不備船幾不免爲作此篇

牽牛不渡河罪乃歸烏鵲銀漢水茫茫橋梁何處託天  
船實可乘河鼓聲交作仙人膽氣虛坐誤星期約遷怒  
到旁人世情何險惡可憐小鳥無訴伸雨血風毛幾溝

聖君不見今日大臣誤國罪小臣攬人障箭善保身千古宦情多類此南飛烏鵲倍傷神

黃鶴怨

歎武昌失守也十一月初三賊陷岳州棄之不  
守疾趨武漢十一日抵漢口副將朱瀚率六百  
人守漢陽戰敗陣亡十二日知府董振鐸巷戰  
死城遂失時冬季水涸江中漲沙賊擄船造浮  
橋以通武昌總督程尙駐衡州向軍門提兵追  
賊至十二月初三日自洪山出戰賊以小隊綴

我師初四丑刻地雷轟陷望山門巡撫常大涓  
學政馮培元藩司梁星源臬司瑞元漢黃德道  
王壽同前鹽道王東槐鹽道林恩熙武昌府明  
善同知周祖銜死之江夏知縣繡麟巷戰死武  
昌遂陷賊注意江南得而不守盡驅鄂人登舟  
棄城走

神○仙○手○墮○綠○玉○杖○龍○鍾○莫○上○黃○鶴○樓○黃○鶴○崔○巍○出○雲○表○  
風○高○天○曠○令○人○愁○愁○煞○巴○陵○傾○長○蛇○噬○象○行○君○山○不○塞○  
洞○庭○口○妖○波○直○接○長○江○橫○愁○煞○漢○陽○樹○鸚○鵡○飛○難○渡○青○

山覆笠團團坐見衝霄騰赤霧戰士蟲沙六百人煙  
消電掣知何處黃龍青雀束江流白馬紅巾踏地游夾  
岸暗鳴崩石壁一條衣帶小於溝夜深吹破梅花笛士  
卒酣眠刁斗寂女牆分付與月看虎帳惟聞寒露滴沈  
沈更析天難曙節鉞轍深坐悲感一卷韜鈴看復拋黑  
風滅燭飛霆霹蜚弧忽報有人登地缺天摧慘何極赤  
子蠕蠕盡網羅金湯頃刻走狂魔可憐天帑如山積資  
寇徒聞金橐駝窖粟藏金肆搜括丹流碧血漫城阿潰  
卒焚巢夜縱火珠簾畫棟烟煤多此時江雪正飛花此

際江氷損荻芽。鑿鼓夜喧催去臘。炮車朝響逼年華。春  
朝三日棄城遁。江南江北生黃沙。晷。夜。夜。啼。城。畔。楚  
臺。白。氣。如。雨。散。夏。逆。曾。煩。聖。祖。兵。康熙七年誰知  
今日逢離亂。我思龍蟠山側鄂王城。陶侃當年擅盛名。  
移軍沔口。丞。徒。戢。問。柳。西。門。都。尉。驚。風。月。登。樓。猶。似。昔。  
蚍蜉撼樹。竟。傷。情。豈。無。帳。布。分。軍。士。坐。使。銀。山。陷。賊。營。  
莫上棗亭高處望。蛟鼉從此激江聲。

初泛新安江

千巖萬壑煙霞埽。舟泛青溪覺溪好。蒼蒼空碧不見人。

但聞樵歌出林表。輕雲寂歷依長松。頑石何情却生草。  
峭壁能留太古春。流水白雲相對杳。神仙洞府不可尋。  
定與紅塵隔昏曉。斜斜灘樹招我前。一片殘陽倚霜老。

謁海公祠

溪南山石峭。廟貌自凌烟。境尙孤高託。人懷蹇諤賢。寒  
松盤絕壁。俊鷲翥雲天。朔望朝廷禮。焚香敢告虔。

青溪雜詠

水爲灘多作旋流。碧雲揉碎鏡中秋。往來畫楫停橈間。  
何處天邊風露樓。

賴巖逼岸挺孤松。石磴流泉巖下衝。雲確不知人已去。夜寒猶向月明春。

天開黃岳白雲移。箐密林深野卉滋。深羨東風留舊蹟。梅花香到賀侯祠。

蘿雲萋露鎖青鬟。白雉千年竟不還。短笛橫吹天欲暮。夕陽紅上小金山。

留別青溪

江皖既失杭城戒嚴省中調瑤協防因而去任

來時雪凍去時消。綰綬青溪六十朝。修到梅花應有福。喜看宿麥漸生苗。地隣宣歙烽煙警。歲值災荒井里凋。

撫字未能防禦短。匆匆春水送歸橈。

春感

湖湘事緊 朝廷慮賊下竄 命江督陸爲  
欽差大臣進防皖鄂江督調兵三千守武穴之  
老鼠峽繼親率淞江提標兵二千由水路進駐  
湖北廣濟之龍坪檄壽春鎮恩長督舟師至老  
鼠峽會防未及登岸而舟師潰恩長投水死陸  
師亦潰江督自龍坪退賊掠九江而下二月十  
七陷安慶巡撫蔣文慶死之江督復率廣艇及



舢板船以防蕪湖之東西梁山各兵亦不戰而潰遂回城自守正月廿六日福山鎮陳勝元迎戰死之藩司祁宿藻嘔血死二月初十日儀鳳門地雷發我方禦之而賊已越三山門入江督陸及提督福珠隆阿上元縣劉同纓死之在籍前廣西巡撫鄒鳴鶴前處州鎮湯貽汾均殉難越二日滿城破將軍祥厚副都統霍隆武死之向帥追至九江無船不能渡咨江西撥漕船始東渡二十一日至金陵結營於孝陵衛而城破

已十一日矣且賊卽於是日陷鎮江廿三日陷揚州揚有富民江壽民醵金賄賊約不相犯賊僞許之旋掩入壽民縊死賊旣得揚鎮乃分據浦口瓜州以斷南北之路北防始警而我浙亦於甯國徽州設防當岳州旣失上禱徐廣緒職逮治而以向爲欽差大臣向鏞滅此朝食四字於關防側可謂壯矣後守孝陵衛以障蘇常不爲無功第在永安主圍城缺一之說長沙札營岳麓又不斷龍飛潭之水路致賊得兩次

竄出由十月廿日長沙解圍至正月廿六不滿  
十旬而東南大局全壞此中自有天意然以人  
事論吳兵柔脆金陵無不失之理江督殉城無  
慙守土惟遽進遽退稍形不決而尋木溯源其  
失機固不在兩江也

浙東飛雨已愁人○警報金陵倍慘神○已失上游無皖境○  
可能羸卒控江濱○秦淮花月憑誰主○鍾蔣煙雲竟不春○  
虎踞龍蟠費惆悵○六朝都建是何因○  
秣陵回望洞庭湖○萬里煙波萬里圖○粵事得人甯至此○

湘○中○失○策○遂○長○驅○十○句○竟○壞○東○南○局○耦○國○深○愁○古○帝○都○  
柔○脆○士○民○金○粉○地○青○烽○碧○血○共○模○糊○  
滄○海○茫○茫○起○暮○愁○潤○州○北○望○見○揚○州○隋○家○壁○月○迷○春○霧○  
南○渡○金○山○入○亂○流○鐵○甕○湖○來○城○欲○動○瓊○花○雨○打○苑○如○秋○  
東○風○似○虎○真○無○賴○覆○盡○邗○溝○一○帶○舟○  
山○來○天○自○出○黃○山○歙○水○宣○城○咫○尺○間○三○月○春○連○兵○氣○動○  
萬○家○愁○見○陣○雲○環○西○湖○花○好○疑○無○奈○東○浙○潮○生○未○等○閒○  
吳○楚○一○時○同○告○急○深○憂○宵○肝○感○  
龍○顏○

清明遊桐邑北郭獅谷庵書悶

浙東三度過清明。今日清明倍不情。江上鼓鼙連海雨。  
故園荆棘滯春耕。愁看麥飯歸思切。怕對梨花白髮生。  
出郭偶尋獅谷寺。石泉深謝老僧烹。

春暮

海雨送殘春。宦游驚候改。三月夏序交。誤認青陽在。卧  
聞子規聲。知春不留待。起步小池閣。茶蘼餘蓓蕾。煙中  
卧薔薇。附萼殘紅餒。胡蝶慵不來。香盡瘦蜂腿。看花事  
已闌。想花手承顙。今年春豔遲。寒較去年倍。我謂寒留  
春。那知被春紿。寒去春已深。誤度春應悔。尚憶芍藥枝。

雨○中○錯○鮮○采○隨○雨○忽○飄○墮○滿○地○脂○海○閒○謝○轉○瞬○間○東○  
風○如○傀○儡○留○春○惆○無○策○嗔○春○豈○罪○且○攜○白○玉○壺○餞○春○  
每○日○每○

桐江僑寓春暮雜作

欲○歸○歸○未○得○暫○住○住○何○心○道○路○江○湖○阻○烟○花○澤○國○深○灘○  
聲○添○夜○雨○海○氣○變○層○陰○春○暮○鄉○思○切○啼○鵲○那○更○禁○  
縣○小○城○依○岸○人○家○半○住○樓○窗○開○延○暝○色○笛○起○隔○春○愁○遠○  
嶺○雲○明○暗○長○江○月○去○留○閨○闔○宵○杳○警○多○難○繫○時○憂○  
西○郭○圓○通○寺○山○門○日○寂○寥○深○松○疑○木○魅○古○洞○宿○雲○妖○殿○

濕苔侵佛。蕪多路沒。樵流連姚墓側。石馬認前朝。  
爲報金陵失。兵船日日過水郵。增縣累官渡。聚人多續。  
調漳汀士。前程富渚波。長江舊天塹。克復待如何。  
草木長烟霞。桐山舊種茶。上珍歸海舶。餘利普農家。兵  
昨江淮阻。船知滬瀆遮。春深番賈絕。村姥坐咨嗟。  
最愛嚴陵樹。頻來問釣磯。江分山欲合。魚靜鷺還飛。石  
壁雲依漿。灘聲水濺衣。歸舟迷去所。四面翠光圍。  
香壘芹泥濕。飛飛海燕斜。主人原是客。小住各成家。薄  
暮重簾雨。春風一苑花。江南王謝宅。祇合集昏鴉。

昔到初臨政。今來不爲官。紳耆猶薄餽。胥吏感前寬。愛  
節宵沽酒。看花晝取歡。無須談戰守。袖手已旁觀。

新安江夏泛

莽莽江光出翠微。天長雲暖一帆歸。盤紆石壁行人少。  
寂寞叢祠夏木圍。白鷺忍饑臨草立。蒼鷹含怒鬪風飛。  
清時不遣豺狼肆。底事猩猩叫落暉。

重至青溪

水曲風難任。春歸鳥不鳴。青山如我識。官廨爲誰清。客  
聚收茶候。農忙打麥晴。海公留惠政。重到不勝情。



不見粼粼石。江流夏漲黃。野祠樟葉綠。村店橘花香。地僻閒雲古。舟遲白日長。薰風能解慍。琴軫不須張。

舟中夜坐

溪長村店稀。扁舟伴孤嶺。明月注涼波。萬籟闌已靜。輕烟蘿壁生。空翠詩心冷。天搖珠斗光。潭宿閑雲影。草香和露來。寂寂中自領。篷窗一燈明。投光紛蚱蜢。篙師醉卧熟。良夜迢迢永。更無更柝喧。惟有流泉警。

四月

四月西風爲麥秋。輕寒猶自攔江樓。水侵汀草魚兒出。

雨濕林花燕子愁。瘴海未平煩虎旅。嚴陵小住戀羊裘。  
家書昨到催歸早。不信輕雲被樹留。

銀箏繞郭不堪聽。攜酒還登擁翠亭。江水漲黃溪水綠。  
遠山含碧近山青。尚留杜宇啼烟樹。已有鱖魚問畫舸。  
回首春風向何處。楊花都作富春萍。

端午後到杭。憑眺吳山。茶肆寥寂。書肆亦閉。遠望  
西湖。畫船稀少。山中祇練團勇。時賊窺懷慶。豫  
章又復告警。人心稍定而忽擾。作詩感事。

朱樓畫閣翠雲巔。遠納名江鏡裏天。龍井價昂酥合貴。

餅師閒坐說前年

吳越圖書海內藏○山中每到駭琳琅○慙余薄俸搜羅少○

今日徒尋舊賈坊○

草間螳斧奮輪時○驚起蟬鳴過別枝○古寺閒來僧卧熟○

高槐風定綠參差○

錢王獻土踞王忠○一塔微經倭火紅○自古杭州兵劫少○

歌樓舞榭尚雲中○

玻璃小舫曲城隈○油壁香車昨不來○休○道○荷○花○竟○無○主○

薰風仍傍御亭開○

六橋楊柳鬱婆娑。浸月垂虹寫翠波。莫更擡頭東北望。  
汴池隋苑野鴉多。

魚擾西江水不清。犬牙東浙客心驚。炎風漸逼潮頭猛。  
敢說錢塘一鏡平。

大觀臺畔夕陽斜。義勇人閒靜不譁。乘得晚涼新月上。  
綠沈櫓怒舞梨花。

涼思

露下楸梧蟬漸嬾。秋回庭苑燕先知。西風不管征衣薄。  
海角天涯夜夜吹。

秋遣

鄉思西風逼。江城桂欲黃。吳雲依渚暮。楚水極天長。戎  
馬書難達。田園露未荒。諸兄應念我。昨夜夢連牀。  
晚稻猶懷澤。寒花半報秋。早涼風颭水。夕照寺明樓。燕  
去堂偏靜。蟬催客易愁。不堪重屈指。四載已戈矛。  
未報烽烟靖。飛燐奈爾何。征人同夜月。遠戍悵秋河。絡  
繹驚寒早。啼蜚觸夢多。誰家好庭苑。冉冉自笙歌。  
驟雨深秋少。飛星涼夜稀。故人何日見。鄉國五年違。宛  
轉商生事。浮沈辨世機。雲山未能買。慚愧碧蘿衣。

病瘧

秋興詩纔讀。西風瘧轉侵。炎涼片時事。去住五更心。暑濕懲眠地。醫調匱藥金。菊花應笑我。瘦骨共寄歛。

歸感

嚴陵山色欲留人。重重遮我還家路。歸心已逐鴈南飛。雨阻雲橫初不住。瀟湘明月憐我心。夜深來照桐山樹。桐樹翩翩黃葉飛。頭白饑鳥返哺違。青天修遠嗟何極。寒露淒清世已非。最是栖栖無母鶴。一聲孤唳總沾衣。

十一月十五日錢江高嘯琴赴官長沙由桐買棹

同行

雲歸楚岫月升岑。君是辭家我返林。  
一片桐君山下水。來潮去汐兩無心。

七里瀧

進瀧青山橫更橫。出瀧山開灘忽迎。  
幽奇平曠極變態。往來太熟心轉平。  
東風一葉歸帆輕。上溯睦郡雙塔明。  
回頭下望嚴陵樹。溪山欲別還多情。  
招我白雲巖下宿。見慣沙鷗波間鳴。  
我度瀧中已七次。春鬢秋髻分陰晴。  
釣臺石筍拂竿處。蒼苔滑澀舟纜縈。  
薄宦時平適清暇。

頗○疑○天○意○多○曲○成○今○年○江○右○連○烽○火○當○軸○議○防○禦○置○兵○  
古○來○管○鍵○重○天○險○山○川○難○與○人○謀○爭○此○地○受○束○金○衢○水○  
萬○派○下○注○無○遺○傾○一○帆○直○達○錢○塘○城○一○舟○橫○扼○無○奔○鯨○  
積○巖○碧○嶂○闢○劇○削○盤○鬱○何○但○宜○釣○耕○欲○持○此○意○問○山○精○  
山○頭○墜○石○如○破○罌○低○徊○我○識○山○靈○意○長○江○采○石○今○難○衡○  
蓬○窗○默○倚○舟○忽○轉○舟○中○已○熟○鱸○魚○烹○且○沽○美○酒○看○山○去○  
重○來○誓○結○烟○波○盟○

過大洋灘有懷于少夔水部

青○灘○上○山○山○下○排○紅○樹○繞○樹○雲○屋○連○故○人○居○此○處○京○



華事宦游三年隔塵霧想像夕陽中停篙不能去

蘭溪

雙溪繞城西洗我明月明郭外沙棠舟玉人盪蘭槳紅  
燈水上光綠髻烟中見潛魚戀清歌宿鷺警爭響迢迢  
良夜深月送游人往

舟中有懷湯溪宰阮範書

灘行舟日遲宛轉清溪曲溪流太無情不照故人綠故  
人前山中懷抱溫如玉浮雲隔河漢咫尺不相續何當  
夢寐間話別翦窗燭

舟漏

猛風吹帆帆欲破。小舟不禁狂浪大。浪頭灘石排森森。  
噴沫飛濤肆顛簸。篙師失手中。船漏一人驚呼衆聲和。  
衣裯未戒滿舟沸。藥裹書籤半污浼。船頭危立招手前。  
幸有同行舟可過。妻孥失色面如土。驚魂稍定神還悞。  
惟有赤子天真全。乳媪懷中眠紫襪。須臾彌隙仍登舟。  
遇危得拯羣相賀。不驚不喜我坦然。自攤襪被尋一卧。  
君不見今日汪洋巨海中。折楫摧帆又誰個。

行抵常山

浙山行已深。浙水寒碧沈。浙雲遠相送。遙傍丹楓林。沙  
棹泊星渚。時間箏笛音。隨風度遙思。和月清塵心。明朝  
過山去。舊夢遯難尋。

過山輿

香油綠轎兩杠橫。顛簸如舟浪裏行。一路青山應笑我。  
詩情搖蕩不分明。

旁見兜輿緩緩過。平扛松下兩肩馱。澤車款段生平願。  
傾跌從來駿馬多。

過廣信

午夢落灘聲。舟過廣信城。水歸彭蠡。潤山近豫章。平野  
寂誰增壘。江湖尙用兵。浙常嚴鎖鑰。秋末此屯營。

弋陽道中

林樹重寒翠。沙岸積霜白。曉風送行舟。已過弋陽驛。灘  
密水磴鳴洲。潤江路窄。時危守險殷。處處見水柵。水柵  
日以高。波濤日以逆。中原未罷兵。愁煞江湖客。

貴溪曉望

木葉飄未盡。冬林依舊紅。我來貴溪曲。霜晴曉無風。推  
蓬眄朝霽。旭日澄波中。灘路碎石潤。村墟微藹濛。轉郭

紅寺敞斷港危橋通野人收晚實童稚割肥菰宿鳧凍  
未散啞啞寒蘆葉干戈擾旁邑此地仍熙豐仰首祝蒼  
昊眷我吳江東

見安仁修城作

頽城生翠蘿新城赭又多隔江開赤石逼岸堆嵯峨千  
夫待畚揭日夕聞謳歌歌聲入雲碧木落潯陽波上游  
重設險下瀨誰橫戈縣邑今若此都城將奈何

饒於秋  
末失守

曉渡彭澤

日隱東南曉霧黃。湖天萬里混茫茫。洲無叢荻猶棲雁。  
浦有漁舟祇載霜。樵舍勲名歸勝代。孤山管鑰鎖尋陽。  
主師未報清江左。田鎮諸軍敢撤防。

暝色

暝色入扁舟。舟中人自愁。疎星微隱樹。遠火欲明樓。  
詩思和鐘盪。鄉心與雁流。客程無定宿。霜夜泊蘆洲。

暮泊滕王閣書感

五月賊遣胡以眈。犯桐城破集賢關。再陷安慶。  
別遣賴漢英。石祥貞攻九江。湖口進撲南昌時。

江忠烈任湖北臬司奉命將赴江南行抵九江聞警卽赴南昌會同巡撫張防勦連戰勝之六月初二賊以地雷轟缺得勝門月城楚勇力堵得全七月吉安土匪竄起湖南遣兵五千援江復遣兵解吉安圍平太和安福之賊遂於二十日均逼南昌易良幹楊虎臣陣亡而賊被援師所挫實甚於八月二十二日解圍去陷九江上犯湖北總督張飭糧道徐豐玉漢黃德道張汝瀛會同知勞光泰率砲船至田家鎮編筏橫

江以截逆舟九月十三日江忠烈由瑞昌興國  
趨至鎮而賊已上踞半壁山乃嘆曰天險已失  
可奈何謀以次日移營羊角山而日晡會食賊  
船上駛山賊以砲下擊防兵多逃砲船遂潰江  
忠烈率鶴麗鎮之兵突圍搏戰徐豐玉張汝瀛  
直隸州李棟知縣杜文浩陣亡遂陷黃州知府  
金雲門死之繼陷漢陽知府俞舜欽知縣劉鴻  
庚死之分陷孝感應山以上犯德安經官兵遏  
之賊乃退黃州此南路軍情也賊陷金陵後繼



陷揚鎮護理漕督楊欽差大臣琦直隸提督  
陳金綬內閣學士勝遇之而林賊鳳祥李賊開  
芳四月窺入滁州踞臨淮關陷鳳陽入河南之  
永城另股賊吉文光出浦口入亳州以相合五  
月初七陷歸德遂由睢州甯陵杞縣陳留於十  
三日撲開封省不能入乃由朱仙鎮走中牟入  
汜縣在鞏縣搜煤船以渡黃河分擾鄭州滎陽  
六月初二圍懷慶府知府余炳燾知縣裘寶鏞  
堅守破其地道而學士勝之兵亦繞道至其訥

爾經額所統之將軍托明阿提督善祿都統西  
凌阿雙誠暨前尚書恩各兵俱集山東巡撫李  
恭毅亦出境相援扼其東北之路賊不能破於  
七月二十八遁去由太行小道竄入山西之垣  
曲縣河東道張錫蕃知縣晏宗望死之旋入曲  
沃踞平陽府直抵洪洞 上震怒奪訥職及山  
西巡撫哈職而以勝爲 欽差大臣賜神雀刀  
已而賊東竄犯屯留潞城入直隸境踞邯鄲縣  
北之臨洺關遂至深州 上命惠親王爲奉命

大將軍科爾沁郡王僧爲參贊大臣督兵會勦  
賊棄深州直走天津經官兵敗之遂踞靜海分  
屯獨留楊柳青等處此北路軍情也憶賊之初  
入湘也以天下之兵餉防湘而不足至今年南  
北俱警各自爲謀軍餉之絀與賊勢之猖獗莫  
盛於此然曾文正公以侍郎墨經興戎謂兵多  
游惰不如招農民以爲勇遂定湘營之制以長  
江旣失非砲船不能肅清乃創建水師駱文忠  
之撫湘也以分疆自守不如出境勦賊於是始

援江西繼援鄂省是楚軍東征之始基也江北  
雷以誠以民財既竭籌餉維艱於仙女廟開辦  
釐金各省仿行遂奏飽騰之效北路將帥磨厲  
有功講求堅壁清野之法疾疾甚則智慧生成  
法窮而權變出三年來又有志竟成謂非中興  
之轉機哉有心時事者慎毋輕忽視之耳

悔不齟齬作序游年來兵燹祗添愁青霜紫電何人佩  
畫棟珠簾一炬休吉贛南流妖霧合匡廬北峙暮烟稠  
殘碑滿地遺碑失且把閑情問夕鷗

遠水殘霞瞰綺窗。洪都控制舊名邦。窺垣蟻垤隄徒潰。  
射斗龍文夜未降。天塹問誰頻失險。彭湖何事漫通江。  
舟人指點磯頭望。掠盡吳西小畫艘。  
江邊誰放呂嘉船。短蜮銜沙射滿川。祇道飛軍宜塞港。  
可能誓衆共投鞭。黃旗浦口無關鍵。白櫓荆門竟接連。  
想像雨花臺畔路。官軍深壘駐經年。  
危城三月固金湯。郛外燒痕認夕陽。旁邑那防蹂躪苦。  
軍輸不覺調庸忙。功歸組甲來吾楚。勝決重帷仗子房。  
獨恨餘氛猶未殄。關河北望淚沾裳。

秋末賢王出帝都。朱輪黃帶玉麟符。營開驃騎燕雲  
卷。劍仗龍文華嶽趨。河北諸君懷挾纊。江南士女備簞  
壺。封狼野豕休猖獗。會見長驅定楚吳。

傳語丹書下鳳墀。舟師募領起吾師。儒臣重作長城  
倚。報國權教墨經垂。米賊馳驅彌敷澤。習流早晚扼江  
湄。荆襄繫念頻惆悵。暮雨西山向客悲。

回首長沙見白雲。去秋消息實難聞。閭閻同此遭遷播。  
義勇何堪更掠焚。一道撓槍連軫翼。兩年鄉淚挂榆枌。  
豫章烽火南風煽。料得重驚楚上軍。

宦游我昨浙東歸。到此鄉關路已微。懶買花瓷供煮茗。  
試炊吳粳暫充饑。西湖有夢寒梅放。南浦關心一雁飛。  
幾欲登樓無處所。自憐王粲賦心違。

麻陽花艚行

豫章江口楓葉丹。扁舟小樣江風寒。旁有麻陽數花艚。  
鄉音入耳驚相看。黃面梨凍衣裳薄。馬頭空坐無盤餐。  
兵火乍退客宦少。何事來此彭蠡灣。自言楚督家新建。  
前年春駐衡陽縣。十萬貔貅扼上游。策馭居中防粵甸。  
此時湘水尚安瀾。此船僱送官人眷。比到西江風信非。

洞庭南望秋酣戰。晒晒遂泊滕王閣。指望家鄉傳定箭。  
那識長江惡浪橫。今年兵到南昌城。官艘民船付一炬。  
此○勝○幸○避○能○逃○生○玻○璃○窗○破○無○錢○買○潯○陽○江○上○少○人○行○  
大○宦○還○家○擅○華○屋○流○離○我○輩○隔○歸○程○言○罷○江○潭○波○自○湧○  
西○山○南○浦○動○愁○聲○

頑婢歎

莫采薔薇枝。枝底刺披離。莫種馬勃草。草臭不可道。頑  
僕尚可遣。頑婢不可收。薄怨不聞泥中詠。善啖惟與肉  
食謀。斷我麀尾柄。碎我碧玉甌。翻我兔兒羹。汚我翠雲



裘稍助指臂效時貽覆餗憂。逐燕欲下珊瑚鉤。失巢窮鳥無林投得奴。使替奴愁家室區區尚如此。滔滔宇宙君何尤。

鷓鴣詠

生來不食漁翁粟。纖鱗自啄充饑足。出入寒波動波綠。月明長伴漁舟宿。漁舟來往無西東。竹竿籊籊朝陽紅。心閒不逐浮雲蹤。大魚啄得歸漁翁。

霧

扁舟無去路。四面已迷山。料不成雲雨。因何遍宇寰。曉

看驚袖濕遠戍悵旗殷怪爾蚩尤誤終消赤日間

星

自○倚○雲○霄○勢○長○年○氣○似○珠○郎○官○空○應○宿○上○將○不○彎○弧○漸○  
覺○飛○流○速○能○成○經○緯○無○何○時○方○朔○奏○紫○極○太○階○符○

霜

已○經○秋○氣○厲○大○地○盡○飛○霜○河○畔○驚○沙○白○江○南○細○柳○黃○甲○  
綿○長○怨○冷○荆○棘○未○全○傷○初○六○堅○冰○戒○韋○編○玩○不○忘○

月

賴○爾○清○輝○朗○宵○行○路○不○迷○雲○山○都○入○照○烏○鵲○敢○驚○啼○圓○

滿重霄。徹高寒。萬象低經霜。桂仍翠。伐木斧空携。

雁

鄱湖纔水宿。衡岳又雲征。處處驚增繳。飄飄少定程。關山書未達。雨雪陣難成。塞北春沙暖。携雛足此生。

鴉

驟聚真烏合。遙看竟作團。天寒依楚幕。雨急繞風竿。古戍飛騰亂。空林哺待難。至今懷亞子。鴉陣獨登壇。

狐

箐密林深處。於今嘯聚多。聽經工蠱惑。健走竟蹉跎。月

黑風生穴。冰寒夜渡河。蓬蒿休自恃。獵火已山阿。

鼠

辛苦閭閻粟。官倉待餉軍。攀援來兩輩。耗竊竟成羣。食  
麥今三歲。成裘祇外文。銜蟬思欲聘。憑社問誰熏。

卧起

未知行幾里。夢醒已帆開。濛白日含檻。橫青山在杯。人  
聲傳市近。水語覺風來。回首彭湖遠。雲邊一雁回。

夜泊豐城

緯夫曲曲足盤跚。風逆方知上水難。愛月不教遮葦箔。

避囂翻喜泊蘆灘。人行石塹荒燈暗。鳥下沙隄古樹寒。  
長夜龍光杳何處。坐看南斗自闌干。

臨江食柑

繞岸人家盡種柑。齊齊霜葉染如藍。甘寒沁入詩脾爽。  
恰有山童摘滿籃。

小泊桐江貢使船。貽予福橘記前年。品題臭味差池少。  
慙愧無因到御筵。

產出溫州秋後腴。沾牙似此冷香無。年來嘗遍吳中味。  
雨露雖同醞釀殊。

黃瓢手破洞庭霜。留貯春風得飽嘗。斗酒流鶯湘上柳。  
教人那不憶家鄉。

寒雨

匡廬寒雨過江橫。雲重風迢舟怕行。歲晏天應含雪意。  
途長人尙望冬晴。川原野麥敷青淺。村落炊烟濕翠生。  
去臘梅花峰下路。一篷涼月壓詩清。

新喻以上溪山幽峭卽目偶成

飛鴻別浙西。飄忽已千里。西江足清波。西山空暮紫。轉  
盼蒼翠來。照耀清心髓。幽峭不可名。宛轉隨舟子。綠霧

石上生白鶴。松間起人行。紗籠中泉落。丹青裏對此憶。  
浙山烟景還相似。飄飄兩髻風。泠然復心喜。

枕上

一枕閒情夢未圓。蓬窗微透月娟娟。水車雲碓淒清轉。  
各助灘聲警客眠。

浣女

高髻盤雲髻。貼鴉荆釵裙布野人家。浣餘竹徑匆匆去。  
那管溪邊風浪賒。

分宜卽景

山翠添薄暮。溪光澄雪天。臨江多古樹。樹樹生寒烟。欲  
問前朝事。鈴山何處邊。入夜撈歌歇。危灘咽石泉。

袁州山岸種茶極稠歲暮不凋頗助山色

一帶寒山翠。人家盡種茶。春風多采掇。小徑尚橫斜。不  
墜霜中葉。微開雪裏花。何徒供飲啜。深足壯烟霞。

曉起

曉起濯清神。迎眸景若新。叢篁烟散曙。弱柳岸先春。露  
重行人少。沙鳴一鳥晨。靜觀都自得。和煦卽天真。  
薄醉消豪氣。低吟勝浩歌。濛濛山自遠。澹澹水微波。高



樹含雲靜。遙村帶霧多。炊烟幾家碧。歲熟識民和。  
休道寒光慘。天心蘊釀深。暖泉生暗徑。細草茁遙岑。  
日出平原淨。風微衆籟沈。此中有真趣。不必撫瑤琴。  
試取梅花嗅。寒梅漸有香。春心冬已抱。道味澹誰嘗。  
浸水石氣碧。經霜竹節黃。輞川詩思遠。孤鶴唳朝陽。

歸途雜紀 十四首

三千歸路遠。五載宦情迂。明月還臨楚。浮雲暫別吳。  
備人求浙產。防客問西湖。自笑春風返。梅花尚沒鬚。  
繚繞山還水。舟車況瘁多。僧牙欺過客。盜賊借風波。  
灘

涸○冬○膠○漿○霜○屏○冷○透○韉○仗○余○詩○膽○在○隨○處○得○安○窠○  
楊○葉○小○輕○舟○鄱○陽○一○夕○留○湖○開○風○力○勁○水○濶○月○光○浮○戒○  
夜○頻○燒○燭○微○眠○不○脫○裘○曉○來○汀○渚○望○穩○宿○幾○沙○鷗○  
紫○邏○雲○山○繞○南○昌○乍○解○嚴○旌○旂○飄○列○雉○關○牡○靜○明○蟾○備○  
豫○郊○增○壘○兵○閒○稅○察○鹽○淮○陽○不○通○久○淡○食○得○無○嫌○  
景○德○官○窰○閉○紅○瓷○價○漸○昂○鄱○燒○嗟○巨○賈○路○斷○少○行○商○遠○  
渚○寒○莎○綠○頽○垣○舊○石○黃○村○民○猶○按○堵○野○麥○曉○含○霜○  
漕○艘○無○多○泊○風○聞○半○掠○焚○瓜○洲○知○不○渡○粟○泛○且○儲○軍○改○  
折○權○宜○計○飛○芻○調○發○文○轉○思○三○滬○擾○浙○運○又○難○聞○

爲惜瘡痍甚。蠲除帝詔頻。閭閻深感泣。倉貯少陳因。  
且喜豐綏屢。潛培國脈伸。義民應踴躍。助餉莫言貧。  
怪爾妖氛肆。黃州又往還。廬滁堪避地。彭澤有孤山。碧  
茨沙汀闊。丹楓堠壘環。難平真事勢。搔首望江關。  
暫喜簪纓卸。難將意氣除。見人頻問戰。考古恨無書。一  
路雲山濶。長年堵塞餘。西江風月好。自在羨樵漁。  
自到宜春後。湘雲遠見迎。溪清來女浣。山峭少人行。歸  
夢殘年數。鄉音近里平。不知吳楚會。還復問前程。  
共道瀘溪涸。還須換小舲。持篙時測水。倚劍坐看星。堠

火沈宵紫蜜烟入暮青關心沙上雁生恐是原鴿  
日日探幽趣行行尚異鄉水寒朝躍鯉雨過夜聞鷓  
水增民利煤山發地藏生涯隨處是何事怨穹蒼  
小女舟居久邃窗戲夕暝醉鰓桐邑魚求舊味野荻怪  
香芹吳人喜食此倚母微驚浪假予共看雲見山頻索問總  
說是桐君

觸目風霜紫吟詩且自豪雀巢迎日暖雁陣背雲高舊  
侶懷銅渚新篇玩錦韜茫茫千感集彩筆莫辭勞

萍鄉登舟

船是故鄉船。水是故鄉水。日夜入湘流。送人還舊里。舊里別時多。昨來人荷戈。遙想淚猶墮。觸目當如何。鄰舟是阿誰。知我還鄉客。爲語瘡痍情。邀僕話終夕。銀燈照水青。坐久不能聽。溪風夜蕭瑟。吹雨入窗櫺。

灘石詠

山石多壯岩。阿水石多生。風波馮夷未。掃童律情。蒿師欲渡其如何。排牙向人含怒態。非虎非豹非蛟鼉。大舟趨趄進復退。小舟旁睨愁嗟峨。橫亘直豎蒼赭雜。岩懸峽窄森兵戈。後灘歷艱險。前灘復紛羅。片雲不吐腹。無

主○要○津○扼○踞○空○盤○陀○小○石○助○勢○大○石○橫○詭○波○出○沒○狀○猶○  
猗○猗○猗○尚○可○隱○伏○懼○我○細○膩○風○光○劍○戟○藏○寄○語○同○舟○休○  
振○柁○

入長沙界

冬○溫○遊○子○心○徒○切○月○照○行○囊○夢○自○清○莫○上○定○王○臺○上○望○  
寒○雲○風○木○古○今○情○

除夕到家寫悲

故○國○幾○無○國○殘○年○不○當○年○卑○官○違○白○髮○佳○節○隔○黃○泉○隴○  
艸○冰○霜○斷○粉○榆○劫○火○鮮○屠○蘇○是○何○物○一○奠○淚○漣○漣○

生兒生季子。兒長已親類。婚配。隹。勞。具。詩。書。遠。宦。媒。么。  
離。彌。撫。愛。晚。稻。竟。虛。栽。痛。絕。春。風。返。護。花。不。復。開。